

皇清文穎續編

皇清文頴續編卷五十八

詩

樂府

皇上五旬萬壽歌九章

謹序

汪廷珍

臣

聞斟元顯統億齡光寶券之書敘福延禔萬  
禩協璇衡之政珍圖綠字龔五數於乾符瑤牘  
蒼著衍十成於泰筴歲占已盛雲輝瑞紀之頒  
月應亥該斗麗珠權之運谷動音而山傳響祥

錫攸彰圖曰鏡而算天長恩施最溥粵若丹壺  
著籙初冬肇盤固之釐青帝降靈上日朔包羲  
之誕神儀皇度開偉烈於辰樞福緒禔源延洪  
庥於甲錄亦越嘉禾獻美報成占七曜之文稜  
穀告豐司智察三辰之象轅韶叶韻應和磬於  
鈞天觥酒臚歡奏清歌於霄月雖珍嘉顯饒錫  
福惟隆而制作昭明開模未廣欽惟我

皇上鴻猷鏡寓紹

列聖之豐功

駿烈恢基嗣

十全之偉績

丹宮

授政三年奉

愛日之權

璿辰

傳心萬宙愜嚮風之願席

蕃禱於瑞鼎

睿思含冲啟朗耀於珠鈐

宸襟宅粹

精誠駸格展

上禮而報

清穹元化周通肅

高禋而綿

景祐練時必謹得辛審

祈穀之期致宿惟虔先用重升香之典奉齋

蒼殿豫圖事於元辰秉耒

青壇燦陳儀於吉亥

誠心薦鬯告巡狩而明虔

至孝通神揚駿聲而昭德

陪京翼翼高山瞻

帝業之隆福壤昀昀

法駕仰

天行之健禮交樂舉用洽龐洪愛著懋存彌嚴  
對越

神宮告潔嘉徵叶大順之符

雲闕通微隆貺答孔明之祀考茨稼而景

德光耀霞綳循粉社而宣

恩膏流雲幄一百五什虔賡韻於

堯章四十九旗歡迎

鑒於禹甸轅耆獻悃青圻呈白雉之祥疆吏陳辭

紫掖煥丹毫之彩

皇風載驪企

峻德以難名

聖武攸彰紀

巍功而莫罄

籌幾萬里飛章示剿撫之宜決勝

一心

命將策寬嚴之畧七旬舞羽靖鴟聚於苗頑三省銷



戈戢魚遊於蓮萼番降庥里鸞羌歡安宅之依  
穴掃涼山烏卜效康居之縛渠魁授首率種落  
於黃支荒徼傾心附版圖於赤縣貢珍象譯琛  
輸角帽之氓玉幣爰閭賁納越裳之裔臺崇昭  
德

頒璆冊於居風關詒公畏天肅球函於比景增華玉簡  
麟膏新白阜之圖益麗瑤編翬紀廣縹囊之籍  
車書合瑞徧瀛漠而

敷文

律度同原綜典謨而

煥藻

味餘定集星輝燦

隨筆之條

幾暇拈毫雲麗富

初編之帙書成

四庫續寶笈而逮津梁詩彙八旗

弁綸章而名雅頌蓬瀛紀勝陳典故於詞林藝海探  
源萃菁英於文頴十有四志增詳勤

國史之修二百餘年蒐逸徧唐文之輯江河壯闊  
發璀璨於雲珠濉渙晶瑩啟昭融於虹玉露沈  
露布

皇猷彰旭卉之儀日贊日宣  
聖治麗光華之象登馨香之

至德珍符於是爲昭受駢坐之繁祺寶道由茲不煥

迺復辰階量晷勤

聽政於彤扉

乙夜求衣慎

披章於丹炬

箴懸黼展知艱邁周訓之諄

記著璇題敕命樂虞謨之審圍場

蹕路殷

批答於郵箋直舍行廬

飭稽遲於匭牘鳬趨辨色侍臣聆

天語之溫鵠峙依

光未秩識

宸顏之近宵中日旰

問銀漏於虬壺雪寸雨分較瓊滋於鱗隰麟書作繪

金旆披耕織之圖

鳳藻賡詩玉策重農桑之務青疇蕃衍稽并服於南

邦粉本流傳盛木棉於北土

授衣訓廣和風告言貝之田挾纊

恩長晶日動文麟之采醲斟庶類飲甘醴於衢尊

惠洽羣生達和音於路鼓

鴻慈特沛敷稽丙歲之元

鸞詔宏宣普免丁糧之額渠盈艘粟蠲玉粒於旗租  
府溢園鏐豁金錢於民負賑分極次饗殯符緡  
氏之籌價判低昂糴糶循周官之灋衣推冬令  
浹暖意於裝綿食展春祺溥甘膏於

賜黼黻忱日近蒼黎懽

星駕之臨舉典

時巡紫縣迂

寬旌之駐渤澥宣之利沃壤豐饒畿田補助之  
功神臯浩穰春波天上循趙堡而

登艫

日御雲中指析津而

駐輦金隄千里縈紆引沙岸之龍珠粒萬航迤邐送

清河之鵠帑鏐泉發卻供億於一錢條幕風清  
絕餽遺於百絹鳩工荷鋪謳聲偕淀水俱流船  
叟扶輪

惠澤共海波無量

隆文備舉敷天依

藻黼之光

盛典攸昭匝宇緝蘿圖之祉旃飛鱣序俯壁水而  
觀文策獻鴻儒殷環林而效悃



經披綈几春筵修

講殿之儀書耀珠題

奎畫麗賢宮之采雲移仙仗

臨冊府而頒詩霧集華秘賁詞垣而第頌金爐馥桂

晴霓生鰲禁之輝玉井猗蓮曉旭動麟洲之色

瑤枝啟秀葦叢被露而騰文璿萼分華藥榜開

天而奏藝杏葩樨粟宗潢膺稽古之榮粉署冰

曹雲漢昭

作人之盛金門獻納

嘉諷諭於綸扉石館論思資敷陳於

經幄

崇道而光藝苑承

恩加赤誦之銜

錫職而寵儒臣闡

惠逮綠圖之裔

德音渙汗彰愉懌於乾情

仁澤滂洋溥慈祥於異命宏開湯網圉扉滋綠草之  
榮照徹軒銅疑牘審丹書之獻紀年周甲

殊恩特沛於停刑開袞逢辰

令典重頒於肆眚上體好生之德本姬慎而

用情旁稽赦過之條溯虞明而著說

治躋麗葛雲呈松棟之祥節勵羔縫冰稟槐階之望

辨崇

帝訓官箴嚴義利之防詩誦

宸章臣鑑儆儉奢之戒采山有禁封金穴於巖根任

土爲常卻珍函於方外言收封菲

虛衷廣衢室之咨論采芻蕘

淵度達總街之聽

聰明睿智廓百代而難符

濬哲文思固萬曆而彌遠岱峰撮壤奚裨峻極之容

滄海測蠡莫罄宏深之量且夫

敬

天

法

祖盛德也

勤政

愛民洪業也

經文

緯武豐功也

崇本抑末至計也故能

播陶鈞而寧萬國襲歛烈而洽羣倫庶徵象

德而來和氣應期而萃雨滋露潤奏房遂之蕃昌時  
惠辰從微燠滄之順敘青梧翠蕙陋十瑞於前  
聞紫脫黃髮軼千祥於往牒人神之懽洽矣上  
下之際交矣

皇上猶以都俞咨儆握

保治之樞機疆固精明操

延年之符券

瑤籌錫羨方牙開芒駱之熙

寶牒延洪隸首積常羊之算

表開無量膺五福而居先

策衍方長闡十章而肇始

天心眷

德全彰

佑命之符

聖節敷仁惟舉宜民之政

綸章先賁隆博選於羣英

慶榜宏開欣彙征於多士  
新正屆候東風入太蔭之  
筓元日凝禧北斗指攝提之次  
韶宣大樂覃敷  
六幕之春珍出仙厨廣

錫羣工之宴台衡承

旨奉

鸞綵於瑤除宗伯陳儀下

龍章於金闕升馨嶽瀆宏文



三才圖會卷之三  
特命於專官汜澤簪纓

寵賚同頒於庶職銀潢被渥體親睦而明惇鈿軸凝  
華念令儀而報本

鵠書布澤祥霄覘貫索之虛魚夢占豐編戶免逋租  
之納歲增貢額蒸雅化於芹宮月免積分逮溫  
風於槐市觴欣稱兕百齡邀綽楔之榮杖盡扶  
鳩庶老荷華纈之

賜

六飛雷動

幸潭柘而舉

春巡七萃雲屯

臨木蘭而行秋獮旌門旁啟肄武事而調聽帳殿中

開獻嘉徵於得鹿

鑾回紫塞金支凝廣陌之暉

蹕莅香山寶輶煥逢峯之色祥氛麗

闕映萸萸而開榮淑靄承軒探梅枝而送暖陽春

育物動和氣於高閭初日浮光護慶雲於廣殿  
衣冠萬國趨蹌分鵷鷺之行金翠千重鬱律動  
龍蛇之影五疇

斂福初符出洛之麻

萬歲延禧共效呼嵩之願歡騰九野咸擊壤以歌吟

頌獻千官爭操觚而賦詠

臣

備員詞館本業文

章進秩卿班復膺

簡命洪都校士未伸颺拜之忱

華闕瞻輝竊附賡歌之雅臚聲纂實摛詞敢近於雕  
鏤博采旁徵考義莫醇於謠頌名皆援古文承  
典訓之遺辭切宜今事取吉祥之選雖葛天八  
闋數未備於兼收而虞陞九歌源實同於一貫

陳忱

黼座庶隨風雅之和鳴比響琅璈敢信宮商之協應  
謹拜手稽首以獻其辭曰

泰鴻絪縕元化昌重熙

天錫眷

聖皇百千萬禩

景祚長安萬國寧四陲引無極

右擬古玉牒詞歌

皇帝萬年有道也

章化神明絃大含精合元垂耀周治九清包容徧覆

鼓盪羣生

皇帝仰法功侔大造

健體運行

勤求懷保鉅細靡遺晝稽夕考四維畢張登民熙皞

右擬古大化歌歌

皇帝勤求庶政也

民之依

帝則知民之宜

帝則施民之來

帝則懷

皇興幸渥澤加禾芄野穀滿家

右擬古載民歌歌

皇帝行慶施惠也

聖德光被兮山海梯航圖廣職貢兮寶帙輝煌

威鬯溟徼兮化覃炎荒南交增封兮黠戛來王稱

壽世臣兮近

天子光

右擬古無射歌歌

皇帝王會萬方也

王業肇基兮

天開大東高山瞻禮兮

聖孝彌隆燦動碩麟兮精感黃龍嘉祥來萃兮肸蠭  
豐融

湛恩旁推兮和氣四充仰惟

列祖兮祚我

聖躬



右擬古宮樂謠歌

皇帝聖孝光照也

時和歲稔惟

帝之賜藏富於民不言所利逋負胥蠲謀生咸遂百

昌滋盈庶徵來備

右擬古豐年頌歌

皇帝蠲租沛澤也

鳳凰于飛五色文明鳳凰和鳴嚶嚶其聲或巢於閣

亦儀於庭命其儔侶載吟載賡應時壽

聖億載萬齡

右擬古神鳳操歌

皇帝作人雅化也

燕貽集福麟振衍祥符

聖節慶應

帝祚昌佇覲昆來繼

五福堂秀颀綿綿逢吉康彊

右擬古大順歌歌

皇帝雲初兆慶也

垂裳端拱履泰乘乾

德劭福厚本固基延久徵不息日月行天保樂治壽  
天子萬年

右擬古龍袞頌歌

皇帝萬壽無疆也

皇上五旬萬壽九德歌九章謹序

陳壽祺

臣

聞功釐蜚鹿綿帝繫者六十四民道穆成鳩  
紹天皇者萬八千歲格六鳳而上下眎五龍若  
嬰孩大哉首出之神明必獲奇齡之巨麗故大  
星流渚金天登命鴈之師祕電照郊翠渚受浮  
鱸之篆瑤光貫月顓表戴干石紐吞珠姒戎感  
蕙泰微五座獵靈於荆馬常羊虛房二精隕祉  
於黃魚丹雀莫不安貞地應保佑天申盛謂曰  
新增如川至惟皇之極五福錫厥庶民敬天之

休萬年厭于乃德欽惟

皇帝陛下上規太乙中執高辛懷玉斗以含元握璇

鈴而建極丹青巢燧隨

命巽以風行陶鑄成康益

光謙而天濟彫禠桐茂叶氣棣通枳維第祿之林

荃宰純常之寓嘉魚在巳龍虬會辰乘五位於中宮

疊十成於首蔀

撫辰思孝同舜慕之中年得亥降神後義生之二日

蓋自

天苞出震

日角承乾當

黃軒之壽五十齡風馳昆岫正

赤帝之萌十四月雲覆

堯門洎乎

芝檢祈

天蘿圖纘

聖

青宮毓德納仙景以長春

紫殿膺符廓懿綱於時夏

鳥庭踐位卽率乘龍之行  
鶉火改元仍問鳴雞之

寢大圜大矩

熊皇之誨高陽告期告謀  
龍版之藏東序七作際

聖君之治遠邁庚丁

重華格

文祖之年適符己未是則孔紉姬繇先後庚同姁嬪  
嬀基周回丙始鵲林朱果百萬葉以流暉鳥趾  
黑丹萃千林而報

德者也

皇帝履武康禋

型文右享蕩亨寶鼎瑟瓚觶醕焜上欽柴

觚壇晡謁

二郊親記先昭日監之謚



萬乘步行未覺天門之遠青陽

祈穀權再卜於春辛縹軌

藉田舉四推於吉亥大采小采黝牲色牲兩咨告禋  
於龍潭晴報增歌於鳳律憲章稽古幽贊崇今  
肅祇晬穆之容般裔淵祥之氣而又命盤求傳  
三年恭商后之憂

禘饗

宗湯

六廟大殷人之禮吉行

祭畢象畊之士重敷肇祀歸卽

龍鼎之淵初謁雕弧寶甲溯幽館而輯光綃帳葛燈

過沛宮而睠舊故鼎驚守成之福覲以蕭光而

牛羊勿踐之仁延於葦葉金罍曲宴上元

同樂之園玉牒恭藏夾室

壽皇之殿

訓宣宗室虎闥之教彌惇科選俊髦麟頴之才畢預

孝思之錫類永矣民德之歸厚昭焉

皇帝以天元主鼎普復租緡海寓觀頤全捐逋累正  
毫殷之獻令杜桑孔之利言開升禁而減關征  
藏淵珠而抵岡璧

省歲則念徵雨好

命倌則夙駕星言流火授衣而民皆挾纊餘糧栖畝  
而邑有行糜煮海飛霜問恒寬之鹽鐵醴渠菑  
石授王景以圖書

文命觀河有休於夏諺野廬戒道無擾於秋毫輶傳  
星流清候館而駒騏靡及坻京露積飭倉人而  
雀鼠無偷其或五氏燮宣一隅乾溢已饑已溺  
憂軫

堯吁予決予乘勤咨稷奏拮据牖戶水衡班麟裏之  
金修利坊庸耆氏通虎貓之蜡截雲帆之漕玉  
煮二紅飛月省之章花占三白輯綏雁戶無不  
被於一夫洞燭螟巢坐可周於萬里衡樓邵壩

竹撻輦其宣房癸趙王燕桑乾聯於格淀河呈  
亥旣供龍鯉而能朝淮鎮庚神叱鼃鼃而使駕  
可謂照臨日月彈壓山川四極四和九功九敘  
而况鼎鑪饗饗則明勅電雷網解蛛蝥則權衡  
圭乘罰歸月掌惕懸象於勾圓復見

天心聽達窮於肺石養春函海元氣爲舟飽德餐和  
神泉如醴

天子所以鼓枵九宇埏埴羣生者也若乃武丁酒醴

每樹

典學之編孔甲盤孟多採藏書之府

實錄萃百王之範

御集重八載之規三百屬典會周官十四篇志增懌

史

熙朝雅頌百年思周道之興文苑英華千卷唐人

之作演孔圖而詮五始志在春秋搜魯壁而述

七觀聲聞絲竹

詠成耕織如譜幽圖

題就木棉卽稽禹貢且自初元昕鼓觀璧水而園橋

九載賓門

幸玉堂而置宴石渠稱制琴箏五典之音

金華說經橘柚三王之味

露雷至教則萬士鴻儀

雲漢爲章則八紘虎轡上藻六藝下踔三雍詎與夫

芝房嬋歌栢梁爭唱至如三會奮武

七德安民五溪陳丹浦之師三省靖黑山之孽帙賓  
納款廩君存白虎之祠魑魅歸邪天壹奉元狐  
之籛雖復蝸爭青海昔傳箭而無聲鯨駭甌閩  
今伏波而盡掃洗兵澄氣都爲日月之光吉語  
應期以侑山河之

祚內則

上蘭秋獮

南苑春蒐二校歸閑三侯節射熊羆



教戰自披風后之圖干戚餘威猶動刑天之舞由是  
鵠知北向馬亦西徠三十六國之懷方四十九  
旗之受吏朱鳶絕徼

冊號越南元菟外藩朝宗遼左鷺雛侍子再世

封乎流虬驃國來王隔歲輸其馴象際天稟朔罄地

占風然猶尺璧寸陰

一餐七起

受虛納牖如懸安邑之幡

勤政求衣欲饒甘饒之鼎風掃翠蕙不改

堯鉶霞綯元纁無增

舜袵

讀臯謨而用畏師軒誠而

銘心壹意原誠六廉計吏舉措

說德才之較危微

辨義利之區曜壁星珠

邵太史靈臺之奏黑江白雉輕越裳重譯之來蓋以

二儀悠久爲成功故能

單宥密亦以萬物綏豐爲上瑞故不侈珍符乃者元

日

頒筵十行

下詔告瀆肆沈主之典封山修檢玉之儀

賜級京僚

推封世澤夔龍加綬星是含譽黃綺兼梁國名扶老

雞竿放曉

丹筆弛於茶脂鹿麝停租亦畿霑於藁飫廣賢能之  
籍蘭芷懷馨榜貞孝之門鴟鳶知禮於是朱于  
縵或八伯獻歌大瑟中琴六莖鏘奏金繩銀檢  
頻斯之字雷回鯨鼉魚刀伊盧之琛雲集璧璫  
十二何殊洛水之朝經曲三千卽是鈞臺之饗  
上且豫辭貢篚惟觀萬佛之林深誠言卮欲錄千秋  
之鏡進甘

膳府何必取於瑤池屏縹經壇非所希於寶樹是知

神明禮告盛多含鯁鯉之

恩福祿綬宜奉養得鴛鴦之節緱氏之言

萬歲非神筴之能推吉量之目千齡與飛黃而並駕  
圖攤龍馬方開

大衍之疇衡降麒麟必溥萬人之壽

臣

班隨筆橐職

在文章藉依東壁之光敢效南山之頌巍巍

天大偕轅缶以謳謠旦旦日華附軒轅而鼓舞敬考

六經之義以陳九德之歌詞曰

於穆生民赫胥驪連作求配命

純皇是擊我應受之襲天元握先

堯

舜禪一家萬古無比肩飛龍見龍承翼重乾扶光再  
中兩離麗天上天之緯昭昭璣璇示我

顯德行若遵大路然我之迂衡泰和在甄

樂以天下殿殿轉轉

右

祚德第一

皇惟憲

天五躔時若玉式金心七鬯儼恪嘉生三時降監天  
尺爲萬民祈福

昭事上格焜樵蒸薦瑄帛虬麟訛爛篋赫雲曠暝殷  
鐘石靈之來辰光燭委瑞如山橫六幕

右

敬德第二

金枝郊寶

聖謨孔彰夙興啟讀中心齋莊巍巍

安佑宮翼翼

繼德堂配下武宣重光惟日孜孜艮食不遑

勤用明德銘軒机兮見堯牆

大孝治天下風簫吹萬方

右

孝德第三



純矣

至誠乾綸坤彌淵矣

至神奮雷煦曦大矣

至仁禹泣赭衣熙矣

至明舜聰不疑至道是寶孰寶金璣西荒大玉棄之  
河湄六計貴廉羔羊素絲磬垢薌芳簞糲投醕倉無  
蟲肥驛無害馬漕無獯飢

右

達德第四

紉纓纓兮光華舜旦兮

鴻藻景鑠巍平煥兮

典謨訓詁炳麟麟以昭爛兮翦韞韞兮倬雲漢山昆  
倫兮水睢渙卷阿第祿游伴負兮天下文明鳳秋秋  
其翺翰兮

右

文德第五

鑠枚功

大武成赫九伐師徂征麾

天戈掃欃槍衣花跳紛傖傳羽干舞柶鼓鳴武谿水  
風澄清買牛犢歸春耕秦蜀楚莽飛毚夷陵火劍閣  
銘殺函險巴賁兵蹙駭鹿縈言猩刁斗無聲狗吠不  
驚

聖人有道安泰平

右

武德第六

河允翕民安作

斗車指天津紫軼六虬躍庶旄夢麗金鉸鏤錯葩瑤  
曲莖曳飛雲元戈鉤陳照瀛漠千里隄控坤絡巨兩  
淀帶二泊秋風竹圍堅春水桃花落

帝觀宣防朝海若堯豫及淮徐灑澹土功度柔百神  
榮光爍翠嬀淵元扈閭

右

吉德第七

淵溥博兮恢台薰兆人兮泝九垓饑行靡寒

授衣

發賑粟踰玉璣

蠲民租屢豐綏原泉逢涌自我

聖涯雲油雨甘我漉滋之非惟滋之又天下肥之

太平旣醉春臺熙熙

堯仁如

天萬物慕思

右

普德第八

天門誅蕩開上宙  
瑤光玉繩麗雲構  
樽桑冠珥黃人  
守象轡昭庭玉虬  
候華蟲勸黼漏藻  
繡外臺赤芾萬  
鱗湊趙趙猛篋發  
金奏贊拜

丹墀率舞獸康衢  
老人背偃僂扶杖

闕下結衽袖我歌  
且謠和童幼銅佛  
銅匱擎獻酌曰

祝

聖人熾昌富先

天後

天自上佑保定孔固俾單厚日升月恒朔而又倬哉

方園載與覆

德施閎大世曼壽

右

壽德第九

皇上五旬萬壽樂府九章

謹序

王鍾吉

皇上御極之十四年宣苞炳符祥和洽於八表恭逢  
五旬萬壽

恩言肇宣增開甲乙科月正元日

誕敷文命

錫福四方薄海黎庶戴景承暉臚愉攸愷詠揚於

仁壽之宇

臣

始繇詞館游陟諫垣仰見

皇上欽德日強純常管固引翼恬養將申之兆祧京



玆延于不可紀極而其

基命宥密券致福徵之本至邃至蹟非管見所可仰

闕亦非卮言所能覲述

臣

嘗誦八宮誕壽之歌

千秋金鑑之錄震耀往牒垂暉無窮竊不自揆

思欲軒輶

光華掄揚萬一製樂府九章謹記

皇上求衣待旦炳燭後章

晝接樞臣日至再四又以時

覲岳牧下至初銓一命罔不引

對監司郡守

親訓以臨民之要飭治之勤若此爲

德耀嘉第一

紹

天闡繹嚴恭

禋祀卜辛蠲孟召通正而致豐綏爲

昊緯貺第二

祇謁

珠邱

雒繹

寶訓凡有興舉必式監於

前猷爲

洪業屬第三

御製味餘書室詩文隨筆息

御製詩初集旣

頒示海內仰若景卿甲子以後八年爲一集餘官將  
不可紀皆本之天經發爲彙訓館臣纂輯文類

唐文微辭鉅製悉稟

審裁文治之昭敷乎無外爲

聖文煥第四

肅清三省伐靖臺洋震揚天聲

武功赫濯爲

神武昭第五

聖節推恩澤溥內外幽微憬迭罔漏湛滅爲

閩澤勇第六

籌河釃渠指授方略

頒發內帑餼隄掣溜波臣効順克底允翕之績爲黃

河清第七

駕幸避暑山莊

賜宴諸蒙古王公下至哈薩克哲布尊丹巴呼土克

圖偕來祝

叅朝鮮越南南掌諸屬國奉表稱

慶普天率土莫不尊親爲敷天慶第八恭際

慶辰珍符畢彙甄祺增筴

洪算無疆爲

泰元筴第九雖文詞舛陋不足以鳴

聖豫而發

天光竊比於擊壤叩轅以效華封之祝謹拜手稽首

以獻

法乾運德正中

建皇極制大同澤時雨施春風

德之密洞淵微體太乙參神施運獲獲幹璇璣

德之溥先茂正旦調風夕選政

闢四聰

廣兼聽和與遊祥從翺禽虞覲蘭蕙翹世曼壽呼

嵩高

右

德耀嘉一章二十四句

穆穆

泰元旭卉顯融涓陽無量宣和則通維

皇執斗上稽

乾則爰熙

紫壇陽亨幣植珠焄燭宙壁氣含春豐融肸飭感訛

龍麟藻奠

辛祈膏芳



零索甘零感節凱調汁籥明昭大報千福一誠  
錫衍鼎祉暢垓朔絃

右

昊緯貺一章二十句

於皇

聖清大業永固

重離繼照

濟哲紹祚金繩曜蹟寶曆垂裕載誦

駿烈羹牆

永慕東西

珠阜愀懷霜露

德契

舜符

功諧

禹度長奠金甌式恢

玉步於萬斯年克肩

洪付

右

洪業肩一章十六句

晨露灑湯詠叢雲翔舜風聲詩迦遂古邁軼欽

皇衷慶霄照奎壁鈞天叶鐘鏞圖疇

契淵秘盤孟

勅虛冲織貝

授寒服浴咧

軫春農芸編薈嘉頌柏梁冠羣工

睿構仰暉倬

天文動昭融陋彼橫汾唱摘藻徒爲功

右

聖文煥一章十六句

丹淵肆

天撻青邱振雷聲五旛剪餘孽七萃收佳兵卧鼓禪  
海靜洗甲銀河清釐瓚禍頽壁傳丕冥

鎬京時平猶肄武

秋猶仍揚旌唐弓卻月對虞旗  
隼雲平止綬令三驅  
薦嘉懷百靈耆功頌

神武威弧炳宸瀛

右

神武昭一章十六句

抵抵丹鳳覽暉九霄口銜五色

詔大地專

恩膏

詔書宛宛蟠雲龍一十六事言當中頂香膜拜龍首  
敬聽宣

皇風岳神瀆祇出雲降雨職所司普淖和四時

錫以金版陳祝詞有鶯其衣有鳩其杖詆蕩

天門拜珠榜綽楔書雲賚鏐饒雨有役貸爾傭爾有  
瑕宥爾蒙大酺

賜給戶一鍾五花

頌誥龍鸞封丹鳳  
羝羝集於

文囿

詔煌煌

德音茂頂香膜拜  
詣首祝

天子萬壽

右

闔澤勇一章二十八句

流泡泡兮泐澤平  
包砥柱兮擎巨靈  
紺蓋沈兮逢

時清龍躡水兮蘭圖呈騰綠字兮昭天經榮光照分  
嘉祥綰遊五老兮觀

德馨昂精朗兮頌永寧

右黃河清一章八句

山莊曉闌秋雲晴黃支紫舌爭來庭南荒遠貢金葉  
表西徼齊頂珠函經

柏殿薰來讌初啟蘭臺暑去觴徐行綵組百戲陳角  
觥



丹陛九奏鏗磬韻涓露流盃

御封錫卿雲灑翰

天章廣侍

射干屯懾弓響校獵萬騎隨鞭聲

幾餘翠邏展秋駕

禮成玉塞迴前旂名王稽首擁歸轡祝

釐齊展嵩呼誠

右敷天慶一章十六句

斗樞繞電虹流根

神光照室天地春

一家履

武

繩

聖

真陶甄元氣含氤氲沐浴福應康斯民

萬齡復旦逢

慶辰大衍數叶圖書新幹得乾策枝得坤兩策三百  
有六旬萬千五百從引伸大瀛星拱拜

紫宸願積萬億恒河塵上垠泰岱祝

大椿

右

泰元筴一章十三句

皇上五旬萬壽歌辭二十六章

謹序

朱琯

臣

謹按祝釐之詞昉自華封其語質而不文蒼

姬以來人臣受賜美其君者輒系曰天子萬壽  
天子萬年福祿之綏隱傳忠愛至天保南山有  
臺諸篇始專以介繁祉長言引喻雍容揄揚尤  
足抒下情而宣上德遂用垂之吟諷被之管絃  
蓋古惟笙詩有聲無辭其有辭者皆可歌故雅  
頌之什咸歌詩也而義則主乎述王家之制鋪  
張閎庥伏惟我

皇上緝熙單心貞固幹事承

列祖

列宗重光累洽之運

宵旰殷求景鑠逾劭懋燾宙合十有四年

善言熾政醜縷難書六幕之遙浸沐涵煦浹於肌髓

茲者恭遇

聖壽五旬卿士師尹下及眡庶罔不鳧趨雀躍以

以訢翹首仰望思舉

慶典迺

膏懷冲遂一切彌文預期

戒勅畧而弗陳而

鴻藻所敷恩施稠疊愬然驅一世之民躋之仁壽

臣

幸得備員詞館遭際

郅隆宜有撰作以徵協應竊見漢司馬相如班固皆  
著符命夸而失實文雖瓌麗亦無取焉爰仿雅  
歌製成祝辭比類繫事推闡本原其要歸於

延洪曼羨慶基無窮之意管蠡窺測知不足發抒萬

一特擬諸里曲鄉謳或爲採風者之所不廢謹  
稽首頓首以獻

衍籌揲第一

天數五地數五闔闢乾坤若門戶河圖大衍符

大年

至誠兩地還參天揲象時劫象閏桐枝添籌葉流潤  
吾

皇斂錫時建極五事五行俱就職協紀嚮福推不窮

箕書倚數原交通無疆合展二篇冊萬有一千餘五  
百

義誕符第二

蒼精昔降神珍符得人定握矩通靈昌前聖復

後聖配天爲幹配地枝建造甲子

膺鴻釐舞立本歌扶徠辭率一一遵前規三皇五帝  
詩

尙論挈其要季秋吉日



躬祭廟不特治術得所宗

篤生亦與庖犧同遠溯春皇幾千載年恰逢庚月逢  
亥

天庥至第三

郊壇祀歲必

親上辛

祈穀兼次辛

聖主敬

天牖下民嘉樂保佑從

天申

祈雨報雨皆矩步更爲

祈晴樂章賦

方澤門西憇

金輅

泰元

泰寧同降康

齋宮五夜心猶覆曰明日旦彌謹稟赫赫

於昭應鑒朕

蘿圖鞏固蒙庇庥大椿八千爲春秋

考福延第四

純皇五旬年宮中誕

聖人推筴合符節

勲

華原相因

莅彤庭

親授寶

訓政三年若慈保紹聞庸祇深感

恩堂名繼德

璿題存

東巡陪京屬車過百有五章

韻全和

心傳精一惟執中聖聖

舜孝何光隆大孝由來命必受得位祿名尤得壽

文與

武齡福同厚

鳳詔頒第五

百辟待漏趨朝來鸞旗雉扇千門開金鋪曠曠上朝  
日宗伯高擎

詔書出翩翩丹鳳飛下樓瑞色已動衣冠儔一十六  
條聽宣讀頃刻星郵遍傳錄普天率土咸騰歡祝犁

茫駱初紀元紀元迪吉當

聖節玉燭長調頌

閎烈

龍光宴第六

元旦宴衆寮仲秋宴藩部鬱鬱萬樹園可汗自起舞  
堯尊徧設當九衢不後十日唐家酬煌煌

國典

天錫慶工歌臺萊禮尤盛蓼蕭譽處

龍光多

殿上授几瓊漿羅瓊漿既饗陳百戲似海

恩波盡霑醉羣臣鞠厯輪囷誠上

壽手捧黃金觥

仁恩逮第七

免丁糧蠲籽種

御寓初年

恩已重舒積欠賑偏隅謳歌滿路尤涵濡重光之歲

天偶游使者循行先截漕

深官日眷長河千金隄萬大淮揚安蘭臺秦筆書不止

宸衷懃懃咏樂只咏樂只施諸民含哺鼓腹懷

皇仁仁者必靜靜必壽大有元亨自

天佑日升月恒松栢茂

儉德懷第八

民數蕃風氣靡政欲厚生須戒侈諄諄



天語已屢宣崇儉論更成

鴻篇和闐葉爾羌奇璞斥勿進寶玉俘億萬逸書何  
可信

行圍特禁離官新用習勞勩歸樸淳醴廬毳幕追  
前勲璧抵嚴珠委壑六合肫然能致慙置吏入

覲無瓊琚

盛典亦復繁文祛

文思被第九

勅幾餘暇時染翰

天筆昭回倬雲漢

經筵稽典述舊聞然藜直欲偕精勤唐文三百載史  
志十四門承明授秘館倬直資討論淵源津溯重珍  
藏藝林秀穎搜琳瑯豈有粹鑑能頡頏

味餘早命詞臣輯

御製八年爲一集

文思天子如堯年

光被四表窮垓埏萬卷以外還應編

武烈揚第十

小征大匡昭

聖武攘剔蘖芽川陝楚蟻屯蝗拒寧久延紅旗已向

秋風舉

文德敷有苗格濱池弄兵心亦革薄海內外天清和  
建囊之義惟止戈止戈年年閱軍帖

祖訓欽承十三甲水師更調無陸師兩翼特設金吾

裨邊亭萬里靜桴鼓

壽世壽民登樂土

勤政箴第十一

勤政揭前殿有

記復有

箴緬懷

皇考澤無逸維

德欽維人持籤擲階石

實錄先披二三策躬躬秉燭

閱奏章庶員引

見乘初陽簿書釐剔誠要務屢促公卿朝入署民生  
在勤思楚辭

奎文更爲農桑期可識

聖躬勞曰旻

行健精神應乾德山崇川增長不息

授衣訓第十二

授時背通考

授衣今廣訓婦織男耕動

清問浸種浴蠶胥入圖四十六幅雲霞鋪圖成吉貝

又十六

賦製

仁皇以

詩續春布種夏芸畦摘尖軋核留

睿題

帝心憫饑尤憫寒閭閻挾纈迎晴暄白疊烏騭奚足  
言嬉遊如在豳風裏雅頌篇章

說微旨躋堂介眉殷仰止

### 欽恤厘第十三

命理官念欽恤協中毋輕三尺律明慎用刑斯祥刑  
寶墨撰刻頌臺卿士服下服皆當辨周內先防從重  
獻

紀年開表停錄囚洗心合予維新謀

國家大慶仁寓法

好生之德天下洽窮黎忿競殊可矜

山莊

述事兼勸懲典循

先聖彌競競

節廉

勅第十四

咨羣牧勤察吏一介微芒爭義利喻義喻利誰能諱



臣心如水尤戒貪戒貪尙廉欽

聖諭六事都從此中建矯矯亮節

恩綸褒敢誇騎鶴金纏腰布帛有幅猶思逃不見大

臣法小臣廉體信達順昇平占天道地寶應不愛

壽以政年綿礪帶

行葦敦第十五

高陽十六族軒轅十二姓八英八翼相照映朝請昔  
奉南班中霓裳隊裏新雍容

推恩特開惇敘殿

篤念天潢申衍燕申衍燕固藩屏

聖訓示作諸王型衣冠楮則逮枝戚綺文上見宗人  
星公劉行葦知忠厚或歌或謔齊酌斗引翼維祺拜  
稽首

菁莪育第十六

翠華親幸瀛洲院綺甲初週乃重見漢京詩體聯柏  
梁儲才勵品

顏諸堂詞林

申命修舊典掌故他年說榮選藹藹吉士登

鑾坡八十九人則多

國書亦與開甲科珊瑚網闕歌菁我菁我樂育原有  
道

作人雅化惟善寶爲周之楨

壽常葆

齊政瑞第十七

如璧合如珠聯二曜五緯同一躔卿雲蓂莢烘異彩  
七政齊惟玉衡在伊耆以來呈此祥

聖皇親政宣重光更閱十年光復旦史奏弧南

壽星燦燦爛遠照歡斯城時憲書中星度增游河倘  
或逢五老煜煜飛星應入昴

欽關誠第十八

咽隴番麻里番延頸舉踵來欽關騰章大吏先代籲  
詔往同歸版圖附醇醲

聖澤無不臻  
鵜山鰈水知尊親  
知尊親競悅服又報  
天邊縛烏卜  
乞降萬衆皆奇肱  
南諧北燮彰  
威稜開通西域窮  
藏衛班禪達賴虔  
誦偈祝嘏欣依

大皇帝

羣神秩第十九

嶽視公瀆視侯靜鎮大地環方州  
津門憶昨勤時邁

懿德懷柔樂哀對元正

恩旨禮百神邊璋束帛紛前陳  
星馳驛騎臣奉使布告山川吉祥事  
都梁醢醢浮烟初納祿如見羣鯢趨  
昭代上儀古所無金泥莫進封禪書  
但聽

萬歲嵩高呼

屬國朝第二十

交閭赤帟開王會職貢圖成又重繪  
東風入律梯航偕碧砮文鉞充堂階  
迢迢明都訖

聲教納款新

頒越南號兩奉

敕琉球封王遣子弟來辟離青衿受學聽樅鏞長纓  
不須誇遠駕屬國懷音自更化陪臣蒲伏頌太平早  
以介

壽先朝正

耄士榮第二十一

長安門東懸蕊榜射策羣才拜

恩蕩華顛矻矻第六經詞場抑塞袍猶青核數三百  
七十二盡許駢肩荷

榮賜玉堂強半題冰銜餘亦襲鑠披朝衫就中七八  
年更耄

命貳司成領學校奏名不用憐方干遨遊  
壽寓天應寬倚杖想見花簪冠

耆民樂第二十二

賜粟肉



賜絹帛身曳黃衣顏盡赤

朝廷養老及野翁茅檐笑策雙鳩筇物瑞不貴人瑞  
貴白雉曾來

戒宣示耆民百歲原可嘉還

旌五代同堂家天工何私俾戩穀樂事全霑

太和福

聖主禔福福更蕃昨歲喜氣溢

天門鍾祥許見來與昂

塞宇彌第二十三

春蒐

莅南苑秋獮

巡木蘭承平不忘常出關以肄武事兼撫藩遠至題

亦如孟安今秋積潦圍撤野四面雲山猶策馬

天威親御花準鎗疊雙得鹿當鹿場登嶼且復

歌滄浪

戒得堂

延薰館迪惟

前光寫銀管億萬萬年

功載纘

春臺熙第二十四

聖駕迴陽春迴嶺上已值梅花開熙熙萬姓咸登臺  
登臺嬉春樂復樂五鳳樓前聽

頒朔絕域奉朔光泰亨由庚道治輝

長庚連山易占艮方始建首遠推顓頊氏乾坤得位

相合居允協

帝壽爲祥符八絃以外

彫褫敷

彫褫下逮何曷奕是日天曹注生籍

壽佛獻第二十五

佛無量壽

皇無量壽慧日當天共悠久百僚恭上呈策數叶乾  
九梅檀寶飾光氤氲哈薩克亦來萬尊萬尊妙現青

蓮相欲誦華嚴積盈藏

拈香禮佛佛鑒誠不祈已福祈民生慈航願得成普  
度億兆編氓盡呵護

帝力佛力皆無邊合造

國祚長綿綿

康衢謠第二十六

南極有老人錫羨占

天朝康衢有老人順則興諠謠且耕且鑿懼擊壤四

海同聲盡瞻仰虎拜豈獨紆青綯莘莘舞蹈山之阿  
國家開疆極濛汜跨越漢唐應倍蓰邇來戶口彌增  
加誰能卻數恒河沙京垓億秭統欲計積算合成

天子歲

奉

敕恭賦白雉擬古樂府

朱珪

玉璣貺白雉來韎韐室韋翔琤璫金氣霜露琤璫  
於

皇純孝通東垓月皓皓以金波日皎皎而暎暉馴矯  
翼于坐右羌耿介之素輦在昔周成九德和靈越渙  
永平白韃翹英孟山黜兮岱嶽精幡玃紛員鷺璫鳴  
六出豐穰鳩鵲爭應候子月雉鳳庭太史不許書祥  
霽

德叶踟舞援神貞

帝省民歲惟

穹慶

咏史樂府十二章

程盛修

斷罟匡儆非時也

魯宣公夏濫於泗淵里革斷其罟而諫公曰  
吾過而里革匡我是良罟也爲我得法使有  
司藏之師存侍曰藏罟不如置里革於側之  
不忘也

泗淵漁里革匡斷其罟悟君王君王聞言三歎息阜  
物防貪良史職有司藏之無忘規庶幾見罟如見革



師存一言婉而風置革於側無面從不見朝聽忠言  
夕委棄留衣留檻皆虛僞前漢皇后宋帝

市價對過淫刑也

齊晏嬰宅近市公曰子近市識貴賤乎於是  
景公繁於刑有粥踊者故對曰踊貴屨賤公  
爲是省於刑

臣近市識貴賤我后知不知胡不採衢諺臨淄十萬  
生齒多家家粥踊可奈何踊之價浮於屨不煥咻誰

歌舞仁人一言省於刑頓教億兆無詛聲修德更不  
誅祝史海岱千秋思晏子

辟戟諱裁近倖也

漢武帝置酒宣室使謁者引內賣珠兒董偃  
東方朔辟戟而前曰陛下方積思六經而偃  
以靡麗奢侈極耳目之欲宣室者先帝之正  
處也非法度之政不得入焉上曰善

東方生能直諫守法度黜靡曼何物賣珠兒敢容宣

室宴辟戟陳詞意氣雄侃侃尙有先臣風不見申屠  
嘉坐丞相府執法猶能困鄧通

乘船戒勸持重也

漢元帝欲御樓船薛廣德頓首曰宜從橋上  
不悅張猛進曰臣聞主聖臣直乘船危從橋  
安聖主不乘危大夫言可聽帝曰曉人不當  
如是耶乃從橋

從橋安乘船危千金之子坐不垂莫躓於山躓於垤

舉步何必非嶮巇曉人言真可聽君不驕臣不佞霸  
陵西馳騁六飛諫草能教馬首迴

撤屏悟防色荒也

漢光武帝御座新施屏風畫列女帝數顧視  
之宋宏燕見正容言曰未見好德如好色者  
上卽爲撤之

屏風新畫美人美人顏色傾國姿君王顧之情爲移  
情可移卽可誤賢臣獻規君頓悟不見精勤納諫唐

太宗不畫蛾眉書奏疏

侍宴規抑華侈也

唐諫議大夫蘇世長侍宴披香殿酒酣謂唐主曰此殿煬帝之所爲耶唐主曰卿諫似直而實多詐豈不知此殿朕之所爲乎對曰臣實不知但見華侈如傾宮鹿臺非興王之所爲耳唐主深然之

披香殿是隋是唐臣莫辨臣雖似詐其實忠不聞興

主營離宮露臺百金儉德崇

從獵諷止游畋也

唐諫議大夫谷那律嘗從出獵在途遇雨太宗因問曰油衣若何得不漏對曰能以瓦爲之必不漏矣帝爲之罷獵

油衣則漏瓦不漏諫議微詞規乃后罷獵從茲慎馳驟禽荒垂戒古今同拒闕不納羸馬供漢門候魏筆公

佳鷹表杜徵求也

唐太宗遣使至涼州都督李大亮有佳鷹使  
者諷使獻之大亮密表曰陛下久絕畋游而  
使者求鷹若陛下之意深乖昔旨如其自擅  
乃是使非其人上悅手詔褒美賜以荀悅漢  
紀

臣有鷹使者諷之獻王廷王者久不貴異物今日何  
與昔旨拂君無荒臣有表悉索徵求慎微小旅葵入

貢載周書世間玩好無時無

宮體箴黜浮靡也

唐太宗常作宮體詩虞世南曰聖作雖工體  
非雅正臣恐此詩一傳天下風靡不敢奉詔  
帝曰朕試卿耳

宮體詩廟堂首倡瓊琚詞辭雖綺麗體不正天下靡  
然歌咏之朕試卿卿果諫同時尙有王師旦翠微宮  
頌不入選



用筆喻端心術也

唐柳公權爲司封員外穆宗政暇常問公權  
筆如何則盡善對曰用筆在心心正則筆正  
上改容知其以筆諫也

用筆在心不在筆結密矜莊露神骨司封員外侍書  
來片言足使君心一萬幾操縱總由心落筆端人正  
土形平原太守顏真卿

觀燈諫陳民瘼也

宋太宗以上元御乾元樓觀燈賜宴見京師  
繁盛諭近臣曰朕躬覽庶政萬事粗理每念  
上天之貺致此繁盛呂蒙正避席曰乘輿所  
在士庶走集故繁盛如此臣嘗見都城外不  
數里飢寒者甚衆願陛下親近以及遠蒼生  
之福也

乾元樓矚神京樂熙攘慶太平太平有象張燈宴君  
樂須教民樂遍焉得綺羅筵前千萬燈照見九州節

屋鵠鳩形

三司告慮盛滿也

宋真宗初卽位陳恕久領三司常命條具中外錢穀之數恕久不進屢詔趣之恕對曰陛下富於春秋若知府庫充實恐生侈心是以不敢進也帝嘉之

領三司掌錢穀胡爲不入君王目春秋鼎盛府庫餘豐寧豫大非良圖不見朝無先識李太初祥符中葉

進天書

皇清文類續編

卷六

詩

六